

經義述聞

冊古

蘇州府志

卷之二

經義述聞第三十一

高郵王引之

通說上四十一條

易有 時 為 猶豫 從容 無慮 蓄 歸 終 參 手

巷 披 世 貫 乎呼皆通作于 朝廷謂之本朝 薦薦不

同字 弔 孝 孝慈 物 持 登 黎老 周 始 南面

於 身 勞 譎 處 膚 養 虎賁 吉月 五色之名 个

古韻二十一部

易

家大人曰移易二字同義人所共曉然書傳多訓移為易未有訓易

為移者今案盤庚曰我乃剽殄滅之無遺育無俾易種子茲新邑言

毋使移種于新邑也

正義曰易種者即今俗語云相染易也惡種在善人之中則善人亦變易為惡失之

七年左傳喜怒以類者鮮易者實多言怒彼而移於此也

杜注易遷怒也襄

十年傳女既勤君而興諸侯牽帥老夫以至於此既無武守而又欲

易余罪言女欲移罪於余也定十年傳侯犯將以郅易於齊言以魯

之邱移於齊也魯語曰譬之如疾余恐易焉言恐禍之移於我也凡同義之字皆可互訓而注疏多未之及且有誤解易字者故略言之

有

家大人曰有與友古字通故友訓為親見廣雅有亦可訓為親友訓為

愛有亦可訓為愛王風葛藟篇謂他人母亦莫我有言莫我親愛也

故鄭箋曰有識有也識有即相親愛之謂識通作職方言憐職愛也凡言相愛憐者吳越之閒

謂之小雅四月篇盡瘁以仕寧莫我有義亦同也僖二十二年左傳

雖及胡者獲則取之何有於二毛言何愛於二毛也下文曰愛其二毛二十

四年傳蒲人狄人余何有焉言何愛於蒲人狄人也杜注曰君為蒲

狄之人於我有何義則是以有為有無之有而增字以成其義失之

矣襄二十三年傳羣臣若急君於何有言何愛於君也二十九年傳

以杞封魯猶可而何有焉言何愛於杞也杜注曰何有盡歸之愈失

之矣昭三年傳君若辱有寡君在楚何害言辱親愛寡君也六年傳

女喪而宗室於人何有人亦於女何有杜注曰言人亦不能愛女是

也九年傳伯父若裂冠毀冕拔本塞原專棄謀主雖戎狄其何有余

一人雖與唯同

唯字古通作雖說見釋詞

言伯父猶暴蔑宗周唯彼戎狄何愛於

余一人也吳語曰君有短垣而自踰之況荆蠻則何有於周室義與此同韋注曰荆蠻有何義於周室則亦誤以有爲有無之有而增字以足之矣二十年傳是不有寡君也杜注曰有相親有是也宣十五年公羊傳潞子離於夷狄而未能合於中國晉師伐之中國不救狄人不有言不與潞子相親有也定八年傳以季氏之世世有子子可以不免我死乎言季氏世世親子也何注曰言我季氏累世有女以爲臣則亦誤以爲有無之有矣楚語君實有國而不愛臣何有於死韋注曰何惜於死惜亦愛也管子戒篇今夫易牙子之不能愛將安能愛君小稱篇作於子之不愛將何有於公說經者多誤以有爲有無之有故略言之

時

小雅頌弁篇爾穀既時毛傳曰時善也家大人曰古傳注及小學書

訓時為善者毛傳而外僅一見於廣雅今略引經文以證之善時一  
聲之轉爾穀既時猶言爾穀既嘉也以類推之則維其時矣猶言維  
其嘉矣也威儀孔時猶言飲酒孔嘉維其令儀也他若孔惠孔時以  
奏爾時胡臭亶時及士冠禮之嘉薦亶時皆謂善也內則曰毋某敢  
用時日謂善日也猶士冠禮云今月吉日春秋曹公子欣時字子臧是其義也  
解者多失之

為

家大人曰孟子滕文公篇夫滕壤地褊小將為君子焉將為野人焉

趙岐注曰為有也雖小國亦有君子亦有野人也又夷子憮然為閒

注曰為閒有頃之閒也

列子楊朱篇曰禽子默然有閒莊子大宗師篇曰莫然有閒釋文本亦作為閒又晏子外

篇曰孔子之不逮舜為閒矣為閒即有閒

又盡心篇為閒不用則茅塞之矣注曰為閒有

閒也案趙注釋為為有足補經訓之闕而字書韻書皆不載其義今

略引諸書以證明之僖三十三年左傳曰秦則無禮何施之為言何

施之有也

漢書張湯傳何厚葬為漢紀作何厚葬之有

成二年傳曰臣治煩去惑者也是

以伏死而爭今二子者君生則縱其惑死又益其侈是弃君於惡也

何臣之爲言何臣之有也杜注若言何用爲臣失之十二年傳曰若讓之以一矢

禍之大者其何福之爲言何福之有也桓六年傳曰其何福之有昭元年傳曰諸

侯之會衛社稷也我以貨免魯必受師是禍之也何衛之爲言何衛

之有也十三年傳曰國不競亦陵何國之爲言何國之有也又曰若

曰無罪而惠免之諸侯不聞是逃命也何免之爲言何免之有也周

語曰余敢以私勞變前之大章以忝天下其若先王與百姓何何政

令之爲也言何政令之有也韋注何以復臨百姓而爲政令乎失之晉語曰若有違質

教將不入其何善之爲言何善之有也又曰今范中行氏之臣不能

匡相其君使至於難君出在外又不能定而棄之則何良之爲言何

良之有也楚語曰若於目觀則美縮於財用則賈是聚民利以自封

而瘠民也胡美之爲言胡美之有也又曰君而討臣何讎之爲言何

讎之有也又孟子梁惠王篇古之人所以大過人者無他焉善推其

所爲而已矣說苑貴德篇引孟子爲作有趙策豈非計久長有子孫相繼爲王也哉史記趙世

家有作爲燕策故不敢爲辭說新序雜事篇案善推其所爲謂善推爲作有史記田儼傳後恐爲亂漢書爲作有

其所有也善推其所有者有不忍人之心斯有不忍人之政故曰舉

斯心如諸彼也爲可訓爲有有亦可訓爲爲周語曰胡有孑然其效

戎狄也言胡爲其效戎狄也晉語曰克國得妃其有吉孰大焉言其

爲吉孰大也昭五年左傳曰其爲吉孰大焉孟子滕文公篇曰人之有道也飽食煖

衣逸居而無教則近於禽獸言人之爲道如是也若言民之爲道也

有恆產者有恆心無恆產者無恆心矣漢書王莽傳州從禹貢爲九爵從周氏有五有亦爲也互

耳文

### 猶豫

家大人曰猶豫雙聲字也字或作猶與分言之則曰猶曰豫管子君

臣篇曰民有疑惑貳豫之心楚辭九章曰壹心而不豫兮王逸注豫

猶豫也老子曰與兮若冬涉川猶兮若畏四鄰淮南兵略篇曰擊其

猶猶陵其與與合言之則曰猶豫轉之則曰夷猶曰容與楚辭九歌

君不行兮夷猶王注曰夷猶猶豫也九章曰然容與而狐疑容與亦



猶豫也案曲禮曰卜筮者先聖王之所以使民決嫌疑定猶豫也離騷曰心猶豫而狐疑兮史記李斯傳曰狐疑猶豫後必有悔淮陰侯傳曰猛虎之猶豫不若蜂蠆之致螫騏驥之躡躅不如駑馬之安步孟賁之狐疑不如庸夫之必至也嫌疑狐疑猶豫躡躅皆雙聲字狐疑與嫌疑一聲之轉耳後人誤讀狐疑二字以爲狐性多疑故曰狐疑又因離騷猶豫狐疑相對爲文而謂猶是犬名犬隨人行每豫在前待人不得又來迎候故曰猶豫或又謂猶是獸名每聞人聲卽豫上樹久之復下故曰猶豫或以豫字從象而謂猶豫俱是多疑之獸以上諸說具見於水經注顏氏家訓禮記正義及兩漢書注文選注史記索隱等書夫雙聲之字本因聲以見義不求諸聲而求諸字固宜其說之多鑿也

### 從容

楚辭九章懷沙篇重華不可選兮孰知余之從容王逸注曰從容舉動也

廣雅

言誰得知我舉動欲行忠信家大人曰案從容有二義一

訓爲舒緩一訓爲舉動其訓爲舉動者字書韻書皆不載其義今略引諸書以證明之九章抽思篇曰理弱而媒不通兮尙不知余之從容哀時命曰世嫉妒而蔽賢兮孰知余之從容此皆謂己之舉動非世俗所能知與懷沙同意後漢書馮衍傳顯志賦曰惟吾志之所庶兮固與俗其不同旣淑儻而高引兮願觀其從容此亦謂舉動不同於俗李賢注曰從容猶在後也失之又案中庸曰誠者不勉而中不思而得從容中道聖人也從容中道謂一舉一動莫不中道猶云動容周旋中禮也韓詩外傳曰動作中道從容得禮漢書董仲舒傳曰動作應禮從容中道王褒四子講德論曰動作有應從容得度此皆以從容動作相對爲文中庸正義曰從容閒暇而自中乎道失之緇衣曰長民者衣服不貳從容有常引都人士之詩曰彼都人士狐裘黃黃其容不改出言有章從容與衣服相對爲文狐裘黃黃衣服不貳也其容不改從容有常也正義以從容爲舉動得之都人士序曰古者長民衣服不貳從容有常義與緇衣同鄭箋以從容爲休燕失

之正義曰此休燕有常直謂進退舉動不失常耳即經所云其容不改之類是冲遠明知從容之爲舉動特以鄭訓爲休燕故遷就其

耳說大戴禮文王官人篇曰言行亟變從容謬易好惡無常行身不類

從容與言行相對爲文從容謬易謂舉動反覆也盧辯注曰安然反

覆失之墨子非樂篇曰食飲不美面目顏色不足視也衣服不美身

體從容不足觀也莊子田子方篇曰進退一成規一成矩從容一若

龍一若虎楚辭九章悲回風曰寤從容以周流兮傳毅舞賦曰形態

和神意協從容得志不劫漢書翟方進傳曰方進伺記陳慶之從容

語言以詆欺成罪此皆昔人謂舉動爲從容之證舉動謂之從容跳

躍謂之竦踊聲義並相近故竦踊或作從容新序雜事篇曰元媛居

桂林之中峻葉之上從容游戲超騰往來從容即竦踊也自動謂之

從容動人謂之愆憑聲義亦相近故愆憑或作從容史記吳王濞傳

鼂錯數從容言吳過可削從容即愆憑漢書衡山王傳日夜縱與王

謀反事史記作從容

無慮

家大人曰凡書傳中言無慮者自唐初人已不曉其義望文生訓率多穿鑿今略爲辯之高誘注淮南俶真篇曰無慮大數名也廣雅曰無慮都凡也又曰都大也都凡猶言大凡卽高誘所謂大數名也周髀算經曰無慮後天十三度十九分度之七趙爽注曰無慮者粗計也義亦與大數同宣十一年左傳釋文曰無慮如字一音力於反無慮疊韻字也漢書食貨志天下大氏無慮皆鑄金錢矣顏師古注曰大氏猶言大凡也無慮亦謂大率無小計慮耳趙充國傳亡慮萬二千人亡與無同注曰亡慮大計也案師古以無慮爲大計是也而又云無小計慮則鑿矣後漢書光武紀將作大匠竇融上言園陵廣袤無慮所用李賢注曰廣雅曰無慮都凡也謂請園陵都凡制度也案後漢書中多稱無慮李賢皆引廣雅以釋之故不誤也總計物數謂之無慮總度事宜亦謂之無慮皆都凡之意也禮運曰聖人耐以天下爲一家以中國爲一人者非意之也鄭注曰意心所無慮也心所無慮謂心揣其大略也正義乃云謂於無形之處用心思慮失其指矣宣

十一年左傳使封人慮事以授司徒杜注曰慮事無慮計功無慮計功猶言約略計功也正義乃云城築之事無則慮之訖則計功愈失之矣無慮或但謂之慮荀子議兵篇焉慮率用賞慶刑罰執詐而已矣楊倞注曰慮大凡也漢書賈誼傳慮亡不帝制而天子自爲者顏師古注曰慮大計也言諸侯皆欲同帝制而爲天子之事是慮亦都凡之意也無勿一聲之轉故無慮或謂之勿慮大戴禮曾子立事篇曰君子爲小由爲大也小謂家大謂國由與猶同居由仕也備則未爲備也而勿慮存焉事父可以事君事兄可以事師長使子猶使臣也使弟猶使承嗣也案勿慮卽無慮言孝者所以事君弟者所以事長慈者所以使衆道雖未備而大較已存乎此也盧辯不曉勿慮二字之義乃以勿慮存爲不忘危其鑿也甚矣無慮之轉又爲摹略墨子小取篇曰摹略萬物之然論求羣言之比摹略者總括之詞猶言無慮也又轉之爲孟浪莊子齊物論篇夫子以爲孟浪之言而我以爲妙道之行也李頤曰孟浪猶較略也崔譔曰不精要之貌左思吳都賦若吾之

所傳孟浪之遺言略舉其梗概而未得其要妙也劉逵注曰孟浪猶莫絡不委細之意無慮勿慮摹略莫絡孟浪皆一聲之轉大氏雙聲疊韻之字其義即存乎聲求諸其聲則得求諸其文則惑矣

蓄

家大人曰蓄可訓為立而字書韻書皆無此訓案考工記輪人察其

蓄蚤不齧先鄭司農云蓄讀如雜廁之廁謂建輻也泰山平原所樹

立物為蓄聲如裁博立梟基亦為蓄釋文蓄側吏反爾雅木立死榴釋文作留側吏

反一音側其反郭璞曰不斲頓引詩其榴其翳今大雅皇矣篇榴作蓄毛傳

曰木立死曰蓄釋文蓄側吏反又音緇漢書溝洫志隕林竹兮捷石蓄師古曰

石蓄者謂雷石立之以土就堵塞也蓄亦雷耳音側吏反義與傳同

蔽通傳不敢事刃於公之腹李奇曰東方人以物雷地中為事師古

曰事音側吏反字本作傳考工記又作蓄音皆同耳張安世傳注引續漢書云蓄矛

戰韞鷹璠駘蓄插也周官大宰以任百官鄭注曰任猶傳也釋文傳側吏反疏曰傳猶

立也東齊人以物立地中為傳欲使百官皆立其功也郊特牲信事

人也注曰事猶立也釋文事側吏反正義曰婦人立身之道非信不立釋名

曰事傳也傳立也凡所立之功也故青徐人言立曰傳也今本傳誤作俾盧氏

抱經已正之事傳並與蓄通故賈子脩政語篇曰彊於行而蓄於志謂立

於志也是蓄事傳皆有立義

歸

家大人曰呂氏春秋順說求人二篇注並曰歸終也而字書韻書皆

不載此訓今案歸與終本同義物之所歸即物之所終也故雜卦傳

曰歸妹女之終也周語曰匹夫專利猶謂之盜王而行之其歸鮮矣

言厲王之必不能終也上文王能久乎是其證草注謂歸附周者鮮失之班固典引曰受克

讓之歸運謂終運也僖七年左傳齊管仲諫桓公曰君以禮與信屬

諸侯而以姦終之無乃不可乎宣十一年傳楚申叔時諫莊王曰以

討召諸侯而以貪歸之無乃不可乎歸亦終也

終 周

家大人曰終周二字可以互訓而字書韻書皆無之案月令數將幾

終鄭注曰言日月星辰運行於此月皆周而於故處也襄九年左傳  
十二年矣是謂一終一星終也杜注曰歲星十二歲而一周天淮南  
傲真篇智終天地謂智周天地也繫辭傳曰知周乎萬物而道濟天下昭二十年左傳  
吾將死之以周事子注曰周猶終竟也管子弟子職篇曰周則有始  
言終則又始也蠱恆二象傳並云終則有始有皆讀為又終周一聲之轉故大戴記盛德  
篇終而復始後漢書光武紀注引終作周史記高祖紀贊終而復始  
漢紀作周

參

家大人曰參字可訓為直鄭風柏舟釋文引韓詩曰直相當直也今作值故墨子經篇曰直

參也論語衛靈公篇立則見其參於前也謂相直於前也包咸曰參然在目前

釋文參所今反皆未安呂氏春秋有始篇夏至日行近道乃參于上謂直人上

也高注以參為三倍失之淮南說山篇越人學遠射參天而發適在五步之內

謂直天而發也高注參猶望也亦以意解

手



家大人曰手持也字書韻書無此訓檀弓子手弓而可謂持弓也莊十二年

公羊傳仇牧手劍而叱之何注曰手劍持拔劍今本拔誤作技據宋本改又十三

年傳曹子手劍而從之逸周書克殷篇武王乃手大白以麾諸侯史

記周紀手作持又吳世家專諸手匕首刺王僚楚世家莊王自手旗

左右麾軍義並與持同

巷

家大人曰古謂里中道為巷亦謂所居之宅為巷故廣雅曰街尻也

尻今通街巷古字通後漢書延篤傳篤以病免歸教授家巷家巷謂所居之宅也漢司隸校尉魯峻碑休神家街

論語雍也篇在陋巷陋巷謂隘狹之居也說文陋陝狹也今作隘狹即儒行所云一

畝之宮環堵之室也故曰一簞食一瓢飲在陋巷而孟子離婁篇亦

言顏子居於陋巷也曹植諫取諸國士息表曰蓬戶茅牖原憲之室

也陋巷簞瓢顏子之居也應璩與尚書諸郎書曰陋巷之居無高密

之宇壁立之室無旬朔之資則陋巷為隘狹之居明矣莊子列御寇

篇處窮閭阨巷閭亦居也廣雅閭居也讓王篇曰顏闔守陋閭故窮閭或曰窮巷秦策

武快結束：需要全本請在线购买！ www...